



Tradukshon di: Konseho tokante di e amienda di e promé modifikashon di proyekto presupuestario 2025 di Boneiru

Título original: Advies bij de amendering van de eerste ontwerpbegrotingswijziging 2025 van Bonaire

Den kaso di diferensianan di interpretashon entre e tradukshon na papiamentu i e vershon hulandes di e teksto, òf den kaso di proseduranan hudisial òf trayektonan di eskalashon enbirtut di regulashonnan aplikabel, e vershon original hulandes semper ta esun preferente.

Apresiabel señor Soliano,

Riba 16 di òktober 2025, Kolegio di supervishon finansiero di Boneiru, Sint Eustatius i Saba (Cft) a risibí un propuesta di amienda di e promé modifikashon di proyekto presupuestario (OBW) pa 2025 (amienda D109216). Konforme artíkulo 18 insiso 2 di e Lei di Finanzas Entidat Públiko Boneiru, Sint Eustatius i Saba (Lei FinBES), ku e karta aki Sr. Soliano ta risibí e konseho di Cft tokante di e amienda.

Konklushon

Cft su konseho tokante di e amienda entregá ta positivo.

Splikashon

Den e amienda, miembronan Thielman, Kroon, Chirino-Felida i Dirksz di Konseho Insular ta proponé

- pa retirá un montante di USD 4,0 mion for di e partida presupuestario 210 – Fondo di Invershon Infrastruktura
- pa agregá e montante aki na un reserva aloká yamá "Kontinuidat Limpiesa Selibon" ku lo mester krea bou di partida presupuestario 721 – Limpiesa.

A inkluí e amienda den anekso 1.

E propuesta di esnan ku a entregá e amienda ta pa Selibon – den konsultashon ku Kolegio Ehekutivo – elaborá un plan pa e gastamentu di e USD 4,0 mion, "enfatisando e solushon di retonan agudo riba e áreanan di seguridat di kandela, otorgamentu di pèrmit, prosesamentu di residuo i e invershonnan nesesario". Seguidamente, tur kuartal, Konseho Ehekutivo mester informá Konseho Insular tokante di e progreso i e gastamentu di e rekursonan.

E amienda proponé ta neutral den sentido presupuestario i sufisientemente supstansiá. A base di e di dos informe di implementashon 2025 i konsultashon di Entidat Públiko Boneiru, Cft ta konkluí ku e partida 210 'Fondo di Invershon Infrastruktura' ta kontené suficiente rekursu ku no a keda gastá òf comprometé. P'esei, realokashon di e rekursonan aki ta posibel.

Mi ta spera di a informá boso sufisientemente.

Atentamente,
Presidente di e Kolegio di supervishon finansiero di Boneiru, Sint Eustatius i Saba

[firma]
Drs. L.M.C. Ongerling

A manda kopia di e karta aki na:
Kolegio Ehekutivo di Entidat Públiko Boneiru
Hefe di Finansa di Entidat Públiko Boneiru